



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Johan Mikkelsen, 55 57 21 18

Vår dato
12.02.2013
Dykkar dato

Vår referanse
2013/1966 433.2
Dykkar referanse

Ole Gjermund Digernes
Digernesvegen 280
5412 STORD

Løyve til utsetting av utanlandske treslag til juletreproduksjon

Ole Gjermund Digernes får på bestemte vilkår løyve til utsetting av utanlandske treslag til juletreproduksjon på gnr. 52 bnr. 1 i Stord kommune.

Vi viser til søknaden vi mottok 5. februar 2013 om utsetting av utanlandske treslag til juletreproduksjon på gnr. 52 bnr. 1 i Stord kommune. Søknaden er vurdert i samarbeid mellom Fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Det er søkt om utsetting av totalt 1000 nordmannsedelgran (*Abies nordmanniana*) og fjelledelgran (*Abies lasiocarpa*) i 2013. Det er ikkje oppgitt kva for proveniens dei ulike treslaga har, og søkjar grunngjev dette med at det er avhengig av kva som er tilgjengelig frå planteskular.

Fjelledegran er i publikasjonen *Fremmede arter i Norge – med norsk svarteliste 2012* (Gederaas mfl. 2012) gitt vurderinga *lav risiko* (LO) medan nordmannsedelgran er vurdert til å ikkje ville reprodusere i Noreg dei neste 50 år. Ingen av artane står på den norske svartelista.

Utsetjingsområdet

Planting skal skje på eit 1,5 dekar stort område som allereie er ein del av eit eksisterande juletrefelt. I søknaden er det opplyst at det har vore planta vanleg gran til juletreproduksjon på eigedomen i 20 år.

Det er ikkje registrert sårbare eller trua artar og naturtypar, MiS-figurar eller verneområde i det aktuelle arealet.

Vurdering

Ut frå det vi finn av informasjon i Naturbase og Artskart er det ikkje grunn til å anta at særskilt sårbare eller verdfulle artar og naturtypar vil bli negativt påverka av tiltaket. Ingen av dei to treslaga er svartelista, og spreingsfaren er minimal dersom trea vert hogde i god tid før frøsetjing. Då betyr det heller ikkje mykje kor stor mengd av kvart treslag og kva for

proveniensi som vert planta ut, men søkjar må registrere dette i samband med eigen internkontroll. Vår vurdering er at saka er godt nok opplyst til å fatte eit vedtak, jamfør kravet til kunnskapsgrunnlaget og føre-var-prinsippet i naturmangfaldlova §§ 8 og 9.

Den omsøkte utsettinga skal skje på eit allereie etablert juletreffelt og vil ikkje legge beslag på nye areal. Vår vurdering etter § 10 i naturmangfaldlova, om økosystemtilnærming og samla belastning, er at utplantinga i liten grad vil auke påverknaden på stadeige naturmangfald utover det som er tilfelle i dag.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Ole Gjermund Digernes får løyve til å sette ut til saman 1000 fjelledelgran og nordmannsedelgran på det omsøkte arealet på gnr. 52 bnr. 1 i Stord kommune i 2013 på følgjande vilkår:

- Trea må hoggast i god tid før frøsetting
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

Klageadgang

Vedtaket kan påklagast innan tre veker, jf. forvaltningslova §§ 28 og 29. Klaga skal stilast til Direktoratet for naturforvaltning, men sendast til Fylkesmannen i Hordaland, jf. forvaltningslova § 32.

Med helsing

Kjell Kvingedal e.f.
seksjonssjef

Jørgen Aarø
rådgjevar

Brevet er godkjent elektronisk og har derfor inga underskrift.

Kopi til

Direktoratet for naturforvaltning
Stord kommune

WWF og SABIMA har bede om innsyn i sakar om utsetting av utanlandske treslag og får difor kopi av løyvet.

Referanse

Gederaas, L., Moen, T.L., Skjelseth, S. & Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.